


集異門足論

才十九

三百五十六
氣九

50310



阿毗達磨集異門足論卷第十九

尊者舍利子說 三藏法師 玄奘奉 詔譯

八法品第九之餘

八勝處者云何為八答內有色想觀外色少

若好若惡於彼諸色勝知勝見有如是想是

第一勝處內有色想觀外色多若好若惡於

彼諸色勝知勝見有如是想是第二勝處內

無色想觀外色少若好若惡於彼諸色勝知

勝見有如是想是第三勝處內無色想觀外

色多若好若惡於彼諸色勝知勝見有如是

想是第四勝處四無色想觀外諸色若青青

顯青現青光猶如烏莫如華或如波婆羅疋斯

氣



深染青衣若青青顯青現青光內無色想
外諸色若青青顯青現青光亦復如是於彼
諸色勝知勝見有如是想是第五勝處內無
色想觀外諸色若黃黃顯黃現黃光猶如羯
尼迦華或如婆羅疋斯深染黃衣若黃黃顯
黃現黃光內無色想觀外諸色若黃黃顯黃
現黃光亦復如是於彼諸色勝知勝見有如
是想是第六勝處內無色想觀外諸色若赤
赤顯赤現赤光猶如槃豆縛迦華或如婆
羅疋斯深染赤衣若赤赤顯赤現赤光內無
色想觀外諸色若赤赤顯赤現赤光亦復如
是於彼諸色勝知勝見有如是想是第七勝

處內無色想觀外諸色若白白顯白現白光
猶如烏沙斯星色或如婆羅疋斯極鮮白衣
若白白顯白現白光內無色想觀外諸色若
白白顯白現白光亦復如是於彼諸色勝知
勝見有如是想是第八勝處內有色想者謂
彼於內各別色四百廿二之論十九二想未遠離未調伏
未別調伏未滅四百廿二之論十九二沒未破壞由彼於內各別色
想未遠離未別遠離未調伏未別調伏未滅
沒未破壞故名內有色想觀外色少者謂所
觀色其量甚小微細非多故名爲少若好者
謂所觀色已善磨瑩青黃赤白故名若好若
惡者謂所觀色未善磨瑩青黃赤白故名若

惡於彼諸色勝知勝見者謂即於彼所觀諸
色已伏欲貪已斷欲貪已起欲貪於彼已得
勝知勝見降伏自在都無所畏如貴勝人或
貴勝子以勝知見執取僮僕降伏自在都無
所畏諸瑜伽師亦復如是於所觀色已伏欲
貪已斷欲貪已起欲貪於彼已得勝知勝見
降伏自在都無所畏有如是想者謂如實想
正現在前第一者謂諸定中漸次順次相續
次第數爲第一勝處者謂此定中所有善色
受想行識皆名勝處內無色想觀外色多等
者謂所觀色其量廣大無邊無際故名爲多
餘如前說內無色想者謂彼於內各別色想

已遠離已別遠離已調伏已別調伏已滅沒已
已破壞由彼於內各別色想已遠離已別遠
離已調伏已別調伏已滅沒已破壞故名內
無色想觀外色少多等皆如前說內無色想
觀外諸色若青者謂惣顯示所有青色青聚
青衆故說若青青顯者謂此青色是顯非形
故說青顯青現者謂此青色如是眼識所行
境界亦是意識所行境界故說青現青光者
謂此青色能現能發種種光明故說青光餘
如前說如說若青等若黃等亦尔

九法品第十

時舍利子復告衆言具壽當知佛於九法

善通達現等覺已為諸弟子宣說開示我等
今應和合結集佛滅度後勿有乖諍當令隨
順梵行法律又住利樂無量有情哀愍世間
諸天人衆令獲殊勝義利安樂九法云何此
中略有二種九法所謂九結九有情居

一結者云何為九結一愛結二恚結三慢結
四無明結五見結六取結七疑結八嫉結九
慳結云何愛結答三界貪是名愛結云何恚
結答於諸有情欲為損害內懷栽蘖欲為擾
惱已瞋當瞋現瞋樂為過患極為過患意極
憤恚於諸有情各相違戾欲為過患已為過
患當為過患現為過患是名恚結云何慢結

答有七慢類說名慢結云何為七答一慢二
過慢三慢過慢四我慢五增上慢六卑慢七
邪慢此七慢類合為慢結云何無明結答三
界無智名無明結云何見結答三種見名見
結云何為三答一薩迦耶見二邊執見三邪
見如是三見合為見結云何取結答二種取
名取結云何為二答一見取二戒禁取如是
二取合為取結云何疑結答於諦猶豫是名
疑結云何嫉結答心不忍許是名嫉結云何
慳結答心有秘慳是名慳結

論十九

九有情居者云何為九答有色有情有種種
身有種種想如火及一分天是第一有情居

有色有情有種種身有一種想如梵衆劫初
起位是第二有情居有色有情有一種身有
種種想如光音天是第三有情居有色有情
有一種身有一種想如徧淨天是第四有情
居有色有情無想無別想如無想有情天是
第五有情居無色有情起一切色相滅有對
想不思惟種種想入無邊空空無邊處具足
住如空無邊處天是第六有情居無色有情
超一切空無邊處入無邊識識無邊處具足
住如識無邊處天是第七有情居無色有情
超一切識無邊處入無所有無所有處具足
住如無所有處天是第八有情居無色有情

超一切無所有處入非想非非想處具足住
如非想非非想處天是第九有情居此中有
色者謂彼有情有色施設有有色身有色處
有有色界有色蘊故名有色有情者謂諦義
勝義雖諸有情不可獲不可得無所有非現
有而依蘊界處假立有情諸想等想施設皆
說轉謂有情人意生傷童命者生者養者
夫補特伽羅故名有情種種身者謂彼有情
有種種顯色身種種相種種形非一顯色非
一相非一形故名種種身種種想者謂彼有
情有樂想苦想不苦不樂想故名種種想如
人及一分天者謂惣顯示入及淨欲界天故名

如人及一分天是第。一者漸次順次相續次
第數爲第一。有情居者謂諸有情所居所住
所依所止所樂生處。即惣顯示此中所有有
漏色受想行識。蘊名有情居。有色有情種種
身者義如前說。一種想者謂諸有情有時有
分於此世界。劫將壞時多往生上光音等天。衆
同分中於彼具足意成色身。根無錢減支分
圓滿形顯清淨長壽久住。有時有分於此世
界劫初成時於下空中有空宮殿。歎然而起
有一有情壽業福盡從彼處沒。生下梵世空
宮殿中。獨一無侶長壽久住。時彼有情長時
住。已歎然生愛及生不樂作。如是念云何當

令諸餘有情生我同分爲我伴侶當彼有情
起此心願有餘有情壽業福盡復從彼沒生
下梵宮與前有情共爲伴侶時前生者便作
是念此有情類是我所化我於此類及餘世
間是自在者作者化者生者起者是眞父祖
時諸有情亦作是念我等有情是彼所化彼
於有情及世間物是自在者作是化者生者
起者是眞父祖故名一想如梵衆天者謂此
義中惣顯生在梵衆等天有種種身唯有一
想劫初起位者謂劫初生時是第二等義如
前說有色有情者亦如前說一種身者謂彼
有情有二顯色身一種相一種形無種種顯

色無種種相無種種形故名一種身種種想
者謂彼有情有樂想不苦不樂想故名種種
想餘如前說有色有情一種身者亦如前說
一種想者謂彼有情唯有樂想故名一種想
餘如前說有色有情者亦如前說言無想者
惣顯無想無別想者別顯無想此中以想而
爲上首顯無一切心心所法如無想有情天
者謂別顯示無想有天是第五等義如前
說無色者謂彼有情無色施設無色身無有
色處無有色界無色蘊故名無色有情者如
前說超一切色想等如八解脫中廣說然於
此中唯教有漏受想行識爲有情居

十法品第十一

時舍利子復告衆言具壽當知佛於十法自
善通達現等覺已爲諸弟子宣說開示我等
今應和合結集佛滅度後勿有乖諍當令隨
順梵行法律久住利樂無量有情哀愍世間
諸天人衆令獲殊勝義利安樂十法云何此
中略有二種十法謂十徧處十無學法

阿毗達磨論十九卷七

十徧處者云何爲十具壽當知地徧一想如
是上下傍布無二無邊無際是第一徧處復
次具壽水徧一想如是上下傍布無二無邊
無際是第二徧處復次具壽火徧一想如是
上下傍布無二無邊無際是第三徧處復次

具壽風徧一想如是上下傍布無二無邊無際是第四徧處復次具壽青徧一想如是上下傍布無二無邊無際是第五徧處復次具壽黃徧一想如是上下傍布無二無邊無際是第六徧處復次具壽赤徧一想如是上下傍布無二無邊無際是第七徧處復次具壽白徧一想如是上下傍布無二無邊無際是第八徧處復次具壽空徧一想如是上下傍布無二無邊無際是第九徧處復次具壽識徧一想如是上下傍布無二無邊無際是第十徧處

問地徧處定加行云何修觀行者由何方便

而能證入地徧處定。若初修業者，創修觀時，於此大地，彼彼方所，若高若下，若刺若杌，若鹹若捺，若險若穢，如是等處，皆不思惟。於此大地，彼彼方所，平坦顯了，猶如掌中，具淨園林，可愛樂處，隨取一相，以勝解力，繫念思惟。假想觀察，安立信解，是某地相。彼由於此，以勝解力，繫念思惟。假想觀察，安立信解，是某地故。心便散動，馳流諸相，不能一趣。繫念一境，思惟此境，定是地故。未能證入地徧處，定為攝散動，馳流心故。於一地相，繫念思惟，謂此是地，非為平等思惟。此

相精勤勇猛乃至令心相續久住由斯加行
能入地定精勤數習此加行已復進修行此
定方便謂於加行所引生道數習數修數多
所作既於加行所引生道數習數修數多所
作心便安住等住近住相續一趣繫念一境
思惟此境定是地相由心安住等住近住相
續一趣繫念一境思惟此境定是地相無二
無轉能入地定而未能入地徧處定問若此
未能入地徧處定者地徧處加行云何修觀
行者由何方便乃能證入地徧處定答即依
如前所入地定令心隨順調伏趣向漸次柔
和周徧柔和一趣定已復想此地漸次增廣

東西南北徧皆是地彼想此地漸次增廣東
南西北徧是地故心便散動馳流諸相不能
一趣繫念一境思惟此境徧皆是地彼心散
動馳流諸相不能一趣繫念一境思惟此境
徧是地故未能證入地徧處定為攝散動馳
流心故於徧地相繫念思惟此徧是地非徧
水等思惟此相精進勇猛乃至令心相續久
住由斯加行乃漸能入地徧處定精勤數習
此加行已復進修行此定方便謂於加行所
引生道數習數修數多所作既於加行所引
生道數習數修數多所作心便安住等住近
住相續一趣繫念一境思惟此境徧皆是地

三
阿毗達磨論十九

由心安住等住近住相續一趣繫念一境思
惟此境徧皆是地無二無轉從此乃入地徧
處定言上下者謂上下方言傍布者謂東南
等言無二者謂無間雜無邊無際者謂邊際
難測是第一者謂諸定中漸次順次相續次
第數為第一若徧處者謂此定中所有善法
受想行識皆徧處
問水徧處定加行云何修觀行者由何方便
而能證入水徧處定答初修業者創修觀時
於此世界或取大水注相或取大泉水相或
取大池水相或取大陂水相或取大湖水相
或取甕伽水相或取鹽母那水相或取設獵

婆水相或取阿視羅筏底水相或取莫醯河
水相乃至或取東大海水相或取南大海水
相或取西大海水相或取北大海水相或取
西大海水相或取大冰輪相於如是等隨取
一相以勝解力繫念思惟假相觀察安立信
解是某水相彼由於此以勝解力繫念思惟
阿毗多論十九假想觀察安立信解是某水故心便散動馳
流諸相不能一趣繫念一境思惟此境是水
非餘彼心散動馳流諸相不能一趣繫念一
境思惟此境定是水故未能證入水徧處定
為攝散動馳流心故於一水相繫念思惟謂
此是水非為地等思惟此相精勤勇猛乃至

令心相續久住由斯加行能入水定精勤數
習此加行已復進修行此定方便謂於加行
所引生道數習數修數多所作既於加行所
引生道數習數修數多所作心便安住等住
近住相續一趣繫念一境思惟此境定是水
相由心安住等住近住相續一趣繫念一境
思惟此境定是水相無二無轉能入水定而
未能入水徧處定問若此未能入水徧處定
者水徧處定加行云何修觀行者由何方便
乃能證入水徧處定答即依如前說所入水定
令心隨順調伏趣向漸次柔和周徧柔和
趣定已復想此水漸次增廣東南西北徧背

是水彼想此水漸次增廣東南西北徧是水
故心便散動馳流諸相不能一趣繫念一境
思惟此境徧皆是水彼心散動馳流諸相不
能一趣繫念一境思惟此境徧是水故未能
證入水徧處定為攝散動馳流心故於徧水
相繫念思惟此徧是水非徧地等思惟此相
精勤勇猛阿毘曇論十九乃至令心相續久住由斯加行乃
漸能入水徧處定精勤數習此加行已復進
修行此定方便謂於加行所引生道數習數
修數多所作既於加行所引生道數習數修
數多所作心便安住等住近住相續一趣繫
念一境思惟此境徧皆是水由心安住等住

近往相續一趣繫念一境思惟此境徧皆是水無二無轉從此乃入水徧處定言上下者謂上下方言傍布者謂東南等言無二者謂無間雜無邊無際者謂邊際難測是第二者謂諸定中漸次順次相續次第數為第二言徧處者謂此定中所有善色受想行識皆名徧處

三

阿毘曇論十九

十三

問火徧處定加行云何修觀行者由何方便而能證入火徧處定答初修業者創修觀時於此世界或取清淨日輪火相或取妙樂光明火相或取神珠光明火相或取星宿宮殿火相或取火聚大猛燄相或取甕村火火燄

相或取燒城大火燄相或取燒川大火燄相或
或復取燒野大火燄相或取燒十載木大火燄
相或取燒二十載木大火燄相或取燒三十
載木大火燄相或復取燒四十載木大火燄相
或取燒五十載木大火燄相或取燒百載木
大火燄相或取燒千載木大火燄相或取燒
百千載木大火燄相或取燒無量百載木火
火燄相或取燒無量千載木大火燄相或取
燒無量百千載木大火燄相彼見如是諸火
燄相先漸熾然復極熾然轉徧熾然後皆洞
然於如是等隨取一相以勝解力繫念思惟
假想觀察安立信解是某火自彼由於上以

勝解力繫念思惟假想觀察安立信解

火故心便散動馳流諸相不能一趣繫念

境思惟此境是火非餘彼心散動馳流諸相

不能一趣繫念一境思惟此境定是火故未

能證入火徧處定為攝散動馳流心故於一

火相繫念思惟謂此是火非為水等思惟此

相精勤勇猛乃至令心相續久住由斯加行

能入火定精勤教習此加行已復進修行此

定方便謂於加行所引生道教習教修數多

所作既於加行所引生道教習教修數多所

作心便安住等住近住相續一趣繫念一境

思惟此境定是火相由心安住等住近住相

阿毘達磨論十九

續一趣繫念一境思惟此境定是火相然二
無轉能入火定而未能入火徧處定問若此
未能入火徧處定者火徧處定加行云何修
觀行者由何方便乃能證入火徧處定答即
依如前所入火定令心隨順調伏趣向漸次
柔和周徧柔和一趣定已復想此次漸次增
廣東南西北徧皆是火彼想此火漸次增廣
東南西北徧是火故心便散動馳流諸相不
能一趣繫念一境思惟此境徧皆是火彼心
散動馳流諸相不能一趣繫念一境思惟此
境徧是火故未能證入火徧處定爲攝散動
馳流心故於徧火相繫念思惟此徧是火非

徧水等思惟此相精勤勇猛乃至令心相續
久住由斯加行乃漸能入火徧處定精勤數
習此加行已復進修行此定方便謂於加行
所引生道教習數修多所作既於加行所數
引生道教習數修多所作心便安住等住
近住相續一趣繫念一境思惟此境徧皆是
三火由心安住等住近住相續一趣繫念一境
阿毗曇論十九
十四思惟此境徧皆是火無二無轉從此乃入火
徧處定言上下者謂上下方言傍布者謂東
南等言無二者謂無間雜無邊無際者謂邊
次第數為第三言徧處者謂此定中所有善
際難測是第三者謂諸定中漸次順決相續

色受想行識皆名徧處
問風徧處定加行云何修觀行者由何方便
而能證入風徧處定答初修業者創修觀時
於此世界或取東方所有風相或取南方所
有風相或取西方所有風相或取北方所有
風相或取有塵風相或取無塵風相或取吹
濕摩風相或取吠嵐波女風相或取小風相或
取大風相或取無量風相或取大風輪相於
如是等隨取一相以勝解力繫念思惟假想
觀察安立信解是某風相彼由於此以勝解
力繫念思惟假想觀察安立信解是某風故
心便散動馳流諸相不能一趣繫念一境想

惟此境是風非餘彼心散動馳流諸相未能
一趣繫念一境思惟此境定是風故未能證
入風徧處定為攝散動馳流心故於一風相
繫念思惟謂此是風非為火等思惟此相精
勤勇猛乃至令心相續久住由斯加行能入
風定精勤數習此加行已復進修行此定方
便謂於加行所引生道數習數修數多所作
既於加行所引生道數習數修數多所作心
便安住等住近住相續一趣繫念一境思惟
此境定是風相由心安住等住近住相續一
趣繫念一境思惟此境定是風相無二無轉
能入風定而未能入風徧處定問若此未能

真
阿毗
論
十九
十五

入風徧處定者風徧處定加行云何修勸行
者由何方便乃能證入風徧處定答即依如
前所入風定令心隨順調伏趣向漸次柔和
周徧柔和一趣定已復想此風漸次增廣東
南西北徧皆是風彼想此風漸次增廣東南
西北徧是風故心便散動馳流諸相不能一
趣繫念一境思惟此境徧皆是風彼心散動
馳流諸相不能一趣繫念一境思惟此境徧
是風故未能證入風徧處定爲攝散動馳流
心故於徧風相繫念思惟此徧是風非徧火
等思惟此相精勤勇猛乃至令心相續久住
由斯加行乃漸能入風徧處定精勤數習此

加行已復進修行此又方便謂於加行所引生
生道數習數修數多所作既於加行所引生
道數習數修數多所作心便安住等住近住
相續一趣繫念一境思惟此境徧皆是風由
心安住等住近住相續一趣繫念一境思惟
此境徧皆是風無二無轉從此乃入風徧處
三拜 阿毗 毘論 十九 十六
定言上下者謂上下方言傍布者謂東南等
言無二者謂無間雜無邊無際者謂邊際難
測是第四者謂諸定中漸次順次相續次第
數為第四言徧處者謂此定中所有善色受
想行識皆名徧處

說一切有部集異門足論卷第十九

苑斯上尼八反 磨瑩下鳥定反 栽葉下奠列反 秘恠下良刃反 欵

然上詩勿反 若刺下七賜反 杙吾骨反 鹹鹹二音咸同 榛助巾反

測昌側反 陂音碑 疏伽上其陵反 鹽益字 獵良輒反 棧音伐 醯

呖下郎會反 槃音盤

應永二十二年八月十日 藏經修編之次損失分加書了

以管山寺本先草書能筆可寫且

閑亭隱士勝嚴

